

facienda, et super aliis mobilibus utrinque occupatis, præter fructus prædictos, nullam ad præsens facimus, quoniam nobis de hujusmodi non liquet, sicque in terminis juris et justitiæ relinquimus.

Item, laudamus et volumus ac decernimus ut pisanis liceat terra marique negotiari, naves construere et habere, navigare ad Liburni portum aditum, habere artes quascumque et negociationes exercere, etiam pannorum cujuscumque qualitatis, etiam serici, quemadmodum etiam ipsi florentini facere possunt. Nec propterea majoribus oneribus gravari debeant, quæ florentini talia exercentes.

Pisanis etiam facultatem concedimus eligendi prætorem, qui in civilibus causis jus dicat in prima instantia, tantum causis appellationum magistratui per dominos florentinos mittendo reservatis; quæ tantum prætoris electio per ipsos pisanos fieri debeat ex loco dominis florentinis non suspecto, cui quidem prætori in civilibus causis eam jurisdictionem competere declaramus in urbe et territorio pisanorum, quam ante defectionem exercebat.

233* Et ut onani suspicione pisanos liberemus, arbitramur et laudamus, ut capitaneus per excelsam rempublicam florentinam in civitate pisanorum iudicando in criminalibus preficietur, ubi de pœna sanguinis, exilii, aut bonorum confiscatione civium pisanorum tractari contingerit, procedere, judicare et exequi teneatur cum consilio assessoris, ex dominio nostro eligendi, hoc modo videlicet quod nominatis per pisanos quinque jureconsultis præfati domini nostri, unus ex eis qui nobis et successoribus nostris idoneus et magis sufficiens videatur, ad dictum capitaneum transmittatur.

Addiscentes quod pro cautione et securitate pisanorum in præmissis custodia fortiliciorum dictæ civitatis pisanum et locorum in territorio ejusdem quæ per eos in præsentiarum aut ipsorum nomine teneatur, ipsis pisanis relinquatur, ea tamen lege ut ex pisanis custodes eligantur, vel aliunde ex personis quæ dominis florentinis nequaquam fiat suspecte; quibus quidem custodibus, prætori et assessori de mercede et salario per dominos florentinos eo modo satisfieri debeat ex introitibus et redditibus pisanorum quo ante defectionem solvi consueverat, aut pro solutione usque ad summam consuetam sufficiens dictorum reddituum quantitas pisanis assignari, cum mentis nostræ sit, ut dicta fortilia non majore numero personarum nec majore expensa quam ante defectionem custodiantur.

Et ut pisanis magis caveamus, dicimus et laudamus, ut domini florentini eorum locorum for-

tilicia quæ recuperarunt postquam pisani sub sola dicti serenissimi domini protectione et defensione fuerunt, quæ tam de indubitato pisanorum territorio esse constiterit, demoliri facere teneantur, nisi ipsis pisanis aliter visum fuerit.

Hac tamen lege ut pisani adversus excelsam rempublicam florentinam et præsertim circa dicta fortilia per eos custodienda, nihil attentare aut moliri præsumant, laudamus et arbitramur ut contra prefatam rempublicam quovis modo machinari non debeant.

In reliquis omnibus pristina florentinorum jura in dictis urbe pisanum et territorio illæsa et intacta relinquimus.

Nunc vero ad extinguendum bellum devenientes, laudamus et arbitramur quod tam per serenissimum Venetorum dominium, quam per excelsam rempublicam florentinam intra octo dierum spacium ab armis cessari ubique, et ab offendendo utrimque desistere debeat; et subinde vigesima quinta die presentis mensis, quæ divi Marci evangelistæ dies futura est, quæcumque partium copię exercitus et auxilia decedere debeant, et ad propria reverti: quo ut melius et commodius facere possint, liber, tutus et securus per quæcumque loca reditus pateat.

Ipsam quoque serenissimum Venetorum dominium de civitate et quibuscumque locis pisanum, quæcumque sua presidia et equitum ac peditum copias cujusvis qualitatis et quantitatis dicto die sancti Marci deducat ac detrahat prout sua sponte obtulit, et terram ac castrum Bibienæ et quemlibet alium locum ad dominos florentinos spectantem, quem hactenus bello cepisset, eadem die relaxari et restitui faciat, quemadmodum liberaliter se facturum affirmavit.

Venia Bibiensibus data prout concedendam esse arbitramur, si quid adversus excelsam rempublicam florentinam in ipsa Bibiena occupationis aut ante vel postea commissum arguerentur, seu argui possent.

Et pro expensis ab ipso illustrissimo dominio Venetorum factis in hujusmodi bello, laudando et arbitrando declaramus excelsam rempublicam florentinam teneri ad dandum et solvendum præfacto serenissimum Venetorum dominio ducatorum centum octaginta millia, in termino annorum duodecim, videlicet quolibet anno quindecim milia.

Et singulo anno teneri ad dandum fidejussionem idoneam, pro ea quantitate illo anno tantum persolvenda; et sic præfatos magnificos oratores et procuratores dictæ reipublicæ florentinæ dicto nomine ad solvendum et fidejussores dandum, ut supra condemnamus.